

---

**SIARAN AKHBAR BERSAMA***(Untuk Siaran Segera)*

## **CGC JALIN KERJASAMA DENGAN AKPK UNTUK MENINGKATKAN LITERASI KEWANGAN PMKS**

**KELANA JAYA, 31 Mei 2022** – Credit Guarantee Corporation Malaysia Berhad (CGC) dan Agensi Kaunseling Pengurusan Kredit (AKPK) hari ini bersetuju untuk bekerjasama dengan menandatangani Memorandum Persefahaman (MoU) untuk meningkatkan literasi kewangan individu, untuk mempromosikan tingkah laku yang bertanggungjawab dan sikap rasional bagi Perusahaan Mikro, Kecil dan Sederhana (PMKS).

Kerjasama ini selaras dengan visi Bank Negara Malaysia iaitu Strategi Kebangsaan Jaringan Pendidikan Kewangan (FEN), yang bertujuan untuk meningkatkan celik kewangan di kalangan rakyat Malaysia. FEN dianggotai oleh beberapa agensi yang diterajui oleh Bank Negara Malaysia dan Suruhanjaya Sekuriti Malaysia, serta pengasasnya termasuk AKPK. Strategi kebangsaan ini menetapkan keutamaan dan pelan tindakan untuk menyediakan rakyat Malaysia dengan pengetahuan kewangan supaya mereka mampu membuat keputusan kewangan berdasarkan maklumat yang mencukupi dan memupuk sikap yang berhemat dalam pengurusan kewangan. Kerjasama CGC dan AKPK ini adalah sejajar dengan matlamat FEN untuk menyediakan pendidikan kewangan kepada PMKS dan individu, dalam memastikan kesedaran yang lebih tinggi tentang kepentingan literasi kewangan.

MoU tersebut telah ditandatangani oleh Presiden/Ketua Pegawai Eksekutif CGC, Datuk Mohd Zamree Mohd Ishak dan Ketua Pegawai Eksekutif AKPK, Azaddin Ngah Tasir.

Berdasarkan kerjasama ini, CGC boleh merujuk pelanggan PMKS ke kursus e-pembelajaran, bengkel dan webinar AKPK mengenai topik yang berkaitan dengan literasi kewangan dan pengurusan kewangan. Di samping itu, pelanggan PMKS CGC juga akan dirujuk kepada AKPK untuk inisiatif pengurusan hutang. Pada awal tahun ini, CGC mula merujuk pemohon pembiayaan BizMikro-i untuk menghadiri kursus e-pembelajaran AKPK iaitu Bijak Wang Bijak Niaga. Ini juga adalah sebahagian daripada perkhidmatan nashihat di bawah Program Pembangunan CGC™ yang membantu PMKS dari bermulanya perjalanan mereka dengan CGC sehingga mereka memasuki pasaran baharu.

Pelanggan AKPK yang berminat dengan pembiayaan PMKS juga berpeluang memanfaatkan portal imSME CGC, iaitu platform rujukan pembiayaan/pinjaman PKS atas talian yang pertama di Malaysia. Platform ini memberi akses kepada mereka untuk mendapatkan pembiayaan daripada CGC dan juga institusi-institusi kewangan lain seperti institusi pembangunan kewangan, dan pembiaya alternatif. Mereka yang berminat juga berpeluang untuk mengambil bahagian dalam Program Pembangunan CGC™, iaitu program serampang dua mata yang menyediakan perkhidmatan nasihat untuk Akses Pembiayaan dan Akses Pasaran.

Datuk Zamree dalam ucapannya berkata, "Tahun 2020 dan 2021 adalah mencabar disebabkan oleh pandemik Covid-19 dan diikuti dengan krisis ekonomi. Di CGC, kami dengan segera menyelaraskan semula strategi untuk menyokong PMKS dengan melaksanakan inisiatif-inisiatif kami dengan pihak berkepentingan dalam ekosistem PMKS Malaysia untuk membantu PMKS menghadapi krisis ini. Selaras dengan fasa peralihan endemik di Malaysia dan perniagaan mula beroperasi sepenuhnya, CGC komited dalam memacu agenda rangkuman kewangannya dengan membantu PMKS yang terjejas untuk mendapatkan jaminan berjumlah lebih dari RM10 bilion pada tahun 2021. Ini bertujuan untuk membolehkan PMKS untuk bangkit semula dan memulihkan perniagaan mereka.

Ramai individu yang terkesan daripada pandemik dan perintah kawalan pergerakan yang mengakibatkan kehilangan pekerjaan dan mereka telah beralih kepada bidang keusahawan untuk menjana pendapatan. Untuk menjadi usahawan yang cekap dan berjaya, literasi kewangan adalah penting dan CGC komited untuk menyokong keperluan pembelajaran ini. Sebagai seorang usahawan, seseorang itu mestilah sedar tentang kepentingan rekod prestasi dan kelakuan pembayaran balik yang baik untuk mendapatkan kepercayaan dan memastikan perniagaan mereka berkekalan. Ini semua hanya boleh berlaku melalui pendidikan kewangan yang betul. "

Datuk Zamree menekankan bahawa sinergi yang kuat antara CGC dan AKPK akan membantu orang ramai dari segi pendidikan kewangan dan menyokong aspirasi mereka sekiranya mereka bercita-cita untuk menjadi usahawan. CGC percaya peningkatan kemahiran dan kerjasama ini akan membolehkan pelanggan PMKS memanfaatkan kursus e-pembelajaran, bengkel dan webinar AKPK mengenai literasi kewangan, serta inisiatif pengurusan hutang. Di samping itu, pelanggan AKPK yang berminat untuk menjadi usahawan boleh memanfaatkan bengkel Program Pembangunan CGC™ dan mendapat akses ke pasaran baharu untuk merealisasikan matlamat mereka. Beliau menggalakkan pelanggan AKPK untuk memanfaatkan platform rujukan imSME atas talian milik CGC untuk mendapatkan akses kepada

pembangunan. Kerjasama ini akan membantu mempromosikan literasi kewangan dan memperkasakan agenda penting FEN dalam membantu rakyat Malaysia meningkatkan pengetahuan kewangan mereka dan membina asas yang kukuh untuk masa depan kewangan negara.

Ketua Pegawai Eksekutif AKPK, Azaddin Ngah Tasir, semasa ucapannya, mengulas, "Kerjasama ini sangat penting kerana ia memberi peluang kepada agensi untuk meluaskan jangkauan dan menawarkan penyelesaian kepada pelanggan CGC dan sebaliknya. Dalam persekitaran pasca Covid-19 di mana PMKS melalui cabaran yang lebih berat daripada perniagaan yang lebih besar, apa-apa bentuk bantuan, sama ada pendidikan kewangan atau pengurusan hutang, adalah penting."

Aspirasi jangka panjang kami bukan sahaja untuk dikenali sebagai pusat sehenti bagi pengurusan hutang tetapi juga sebagai agensi yang berwibawa dan dipercayai dalam menawarkan penyelesaian pendidikan kewangan yang berkualiti kepada semua rakyat Malaysia. Objektif utama kami adalah untuk melihat semua orang menguruskan kewangan mereka secara beretika dan mampan. Ini adalah selaras dengan slogan kami "Amalkan Pengurusan Kewangan Berhemat Sebagai Budaya Hidup".

- TAMAT -



### **Mengenai CGC**

Credit Guarantee Corporation Malaysia Berhad (CGC) telah ditubuhkan pada 5 Julai 1972. Ianya 78.65% dimiliki oleh Bank Negara Malaysia dan 21.35% oleh bank-bank komersial di Malaysia. CGC ditubuhkan untuk membantu PKS yang tidak mempunyai cagaran atau rekod yang tidak mencukupi untuk mendapatkan kemudahan kredit dari institusi kewangan dengan menyediakan perlindungan jaminan ke atas kemudahan tersebut. Setakat April 2022, CGC telah memanfaatkan lebih daripada 514,000 jaminan dan pembiayaan kepada PKS bernilai lebih dari RM88.6 bilion sejak penubuhannya.

Pada Februari 2018, CGC memperkenalkan imSME, sebuah platform rujukan pembiayaan/pinjaman PKS atas talian yang pertama di Malaysia. imSME berfungsi sebagai saluran alternatif bagi PKS untuk mendapatkan produk pembiayaan, menjimatkan masa dan kerumitan melalui proses yang memakan masa. Sejak penubuhannya hingga akhir Disember 2021, portal imSME telah menerima lebih 2.24 juta kunjungan dengan lebih 52,000 PKS berdaftar. Pada Ogos 2020, imSME memenangi "Anugerah Kewangan Islam Triple A Asset untuk Penyelesaian Perbankan Digital Terbaik", satu pengiktirafan terhadap penyelesaiannya inovatifnya untuk menyediakan PKS dengan akses dalam talian yang mudah untuk memohon produk pembiayaan, di mana-mana, pada bila-bila masa. Pada April 2021, imSME telah dianugerahkan Platform Pembiayaan PKS Paling Inovatif di Malaysia oleh Anugerah Ekonomi Global 2021.

---

Untuk maklumat lanjut, sila layari [www.cgc.com.my](http://www.cgc.com.my) dan [www.imsme.com.my](http://www.imsme.com.my).

### **Untuk Pertanyaan Media, sila hubungi Jabatan Komunikasi Korporat kami:**

Mohana Arumugam  
Ketua, Komunikasi Korporat  
[mohana.arumugam@cgc.com.my](mailto:mohana.arumugam@cgc.com.my)  
017-237 6366

Patricia Liew  
Pengurus, Komunikasi Korporat  
[patricia.liew@cgc.com.my](mailto:patricia.liew@cgc.com.my)  
012-286 9085



### **Mengenai Agensi Kaunseling dan Pengurusan Kredit (AKPK)**

Agensi Kaunseling dan Pengurusan Kredit (AKPK) menyediakan saluran untuk peminjam serta bakal peminjam—isi rumah mahupun Perusahaan Kecil & Sederhana (PKS)—untuk meningkatkan disiplin kewangan melalui Pendidikan Kewangan, Khidmat Nasihat Kewangan dan Program Pengurusan Kredit.

Program-program Pendidikan Kewangan bertujuan untuk memupuk lebih ramai peminjam yang bijak dari segi kewangan serta dapat mengawal kewangan mereka, dan pada masa yang sama, menggalakkan budaya bayaran balik hutang yang baik melalui penggunaan kredit yang bijak.

Khidmat Nasihat Kewangan, antara lain, membantu individu menyusun bajet bagi membantu mereka menguruskan wang dan perbelanjaan mereka serta membantu mereka memenuhi tanggungjawab membayar balik pinjaman dan hutang mereka. Bagi PKS dan perusahaan mikro, nasihat kewangan ini tersedia di bawah Meja Bantuan PKS AKPK.

Program Pengurusan Kredit (PPK) membantu peminjam dalam menambah baik kedudukan kewangan mereka dengan pelan bayaran balik hutang peribadi melalui penstrukturran semula pinjaman. Selain isi rumah, PPK juga ditawarkan kepada pemilik tunggal yang mengalami kesulitan bayaran balik pembiayaan. Bagi PKS, AKPK menawarkan perkhidmatan yang sama melalui Skim Penyelesaian Pinjaman Kecil (SPPK) yang menyediakan bantuan bayaran balik kemudahan pembiayaan mereka yang sedia ada.

Semua perkhidmatan ini, iaitu Khidmat Nasihat Kewangan, PPK dan SPPK disediakan secara PERCUMA kepada individu dan PKS oleh AKPK, tanpa menggunakan mana-mana ejen pihak ketiga.

Untuk maklumat lanjut, layari laman web kami di [www.akpk.org.my](http://www.akpk.org.my).

### **Perhubungan Media**

**Cik Sazlin Zainal Abidin**  
Ketua Jabatan Komunikasi Korporat

Telefon: **03-2610 5525**  
Telefon Bimbit: **012-343 0502**  
E-mel: [sazlin.za@akpk.org.my](mailto:sazlin.za@akpk.org.my)

**En. Mohamad Khalil bin Jamaldin**  
Pengurus Khas Perhubungan Awam, Pejabat Ketua Pegawai Eksekutif

Telefon: **03-2610 5520**  
Telefon Bimbit: **012-219 2344**  
E-mel: [khalil@akpk.org.my](mailto:khalil@akpk.org.my)